

մեծ բարեկարգության. 3) որ նրա տարեկան ծախսը կհասնի 120.000ռ.: Ուստի հանձնաժողովը առաջարկում է հետևյալը.

ա) ժամանակավորապես փակել Երևանի ուսուցչական սեմինարիան:

բ) Ուսուցիչներին տալ վարձատրություն Ռուսաստան և Ղրղզստանի Կովկաս գնացողների մի տարվա ռոճիկը:

գ) Առ 1 դեկտեմբերի աշակերտներին ընդունել գիմնագիայի համապատասխան դասարաններում՝ տալով նպաստները և ոչ պահանջելով նրանցից նոր լեզուների քննություն:

դ) Սեմինարիայի շենքը և շարժական կայքը դնել դպրոցական խորհրդի տրամադրության տակ: Իսկ նրան կից ուղղափառ եկեղեցու կայքը հանձնել Երևանի պրովոստի եկեղեցու ներկայացուցչին:

ե) Սեմինարիայի կից տարրական դպրոցը պահել՝ հանձնելով Երևան քաղաքի դպրոցական վարչությանը ընդհանուր հիմունքներով:

Խորհուրդը, առանց վիճաբանության, միաձայն ընդունեց հանձնաժողովի այդ նախագիծը:

Երկրորդ հարցն էր ներքին գործերի մինիստրի օրինագիծը՝ ընդհանուր գիմնափութության կամ մասնավոր զենքերի պետականացման (ազգայնացման) մասին:

Առաջարկելով գրավել և պետության սեփականությունը համարել Հայաստանի Հանրապետության մեջ մասնավոր սեփականություն համարվող բոլոր զենքերը, բացի որսորդական և սառն զենքերից և պաշտպանելով այդ նախագծի անհրաժեշտությունն ու շտապողականությունը, ներքին գործերի մինիստրը ասաց մտավորապես հետևյալը:

Հայ ժողովուրդը, մանավանդ վերջին տարիներս, շնորհիվ հայտնի հանգամանքների, ենթարկված էր զինվելու պսիխոզին: Թե որքան առատ է զենքը նրանում, դա ցույց են տալիս այն դեպքերը, երբ կառավարության դեմ դուրս էին գալիս մինչև 1000 զինված մարդ, իսկ 50-100 զինված [մարդ] ամենավոքոր տեղում իսկ կարելի էր հանդիպել:

Շնորհիվ այդպիսի զինվածության մարդիկ սովորական վեճերը լուծում են արյունով և սպանությամբ. օրինակ՝ Ախտայի շրջանում 1 գառան պատճառով ջարդվեցին 3 ընտանիք և դիակները հնար չկար թաղելու և պետք էր ֆրոնտից 1 բատալիոն գործ բերել՝ նրանց զսպելու համար:

Այդպիսի զինվածությունը ազգամիջյան բարդությունների պատճառ էր դառնում:

Նա մի մեծ ուժ և հող է՝ դասալիքներին և ավազակներին պաշտպանելու:

Նա պատճառ է մեր բանակի զենքերի առևտրի:

Մյուս կողմից մեր աղքատիկ պետությունը ոչ մի տեղից հույս չունի զենք ստանալու, այնինչ ժողովրդի մեջ եղածը մի անսպառ պաշար է՝ 60-ից մինչև 150 հազար հատ, որը դրսից բերելու համար միլիոններ պետք կլինեն ունենալ, որ մենք հնար չունենք նույնիսկ ֆինանսական տեսակետից:

Միևնույն ժամանակ այդ զենքը ժողովրդի մեջ մնալով՝ անխնամ դրության մեջ պիտի փչանա:

Ահա այս տեսակետներից զենքերի պետականացումը անհրաժեշտ է:

Գուցե թվում է, թե մեր երկրի այս անորոշ դրության ժամանակ անհրաժեշտ է հանքերել ժողովրդի այս զինվածության, սակայն փորձը ցույց տվեց, որ այդ զինումը որևէ արժեք և օգնություն չունի բանակի համար, ընդհակառակը, խանգարում է նրան:

Որ թեկուզ լավ զինված ամբոխը, այնուամենայնիվ, ռազմական ուժ չի ներկայացնում, դրան ապացույց կարող է լինել հետևյալը:

20 օր առաջ Նոր Բայազետի շրջանի քրդերը հարձակվեցին և 10 գյուղերի ոչխարները փախցրին, որ միլիոնի արժեք ուներ, պետք է ենթադրել, որ քրդերի թիվը գուցե 300-ից ավելի չլիներ, այնինչ այդ 10 գյուղերում 8000 զինվածներ կային:

9-րդ ԼԻՍ

23 օգոստոսի 1918թ.

Իններորդ նիստում՝ օգոստոսի 23-ին, հինգշաբթի երեկոյան, նախադպրոցական հանձնաժողովի անդամ *Ս. Տիգրանյանը* զեկուցում տվեց իրանց 5 նիստերի ընթացքում եկած եզրակացության մասին Երևանի ուսուցչական սեմինարիայի (պետական) փակման վերաբերմամբ, նա հայտնեց, որ հանձնաժողովը գտավ ցանկալի ժամանակավորապես փակել այդ դպրոցը ի նկատի ունենալով, որ 1) նրա աշակերտների թիվը մաքսիմում կարող է լինել միայն 50, բայց գուցե և ոչ ավելի քան 30, ինչպես հայտնել է տեսուչը, քանի որ այնտեղից հեռացել են ոչ միայն բոլոր ռուսներն ու թուրքերից շատերը, այլև հայերից. 2) որ նա կարիք ունի

Ղամարլուի շրջանում 4000 զինված հայեր կային, որոնք շարունակ երևանից էին օգնություն խնդրում և մեր 1000 հոգուց բաղկացած մի վաշտ ավելի արժեք ուներ:

Ժողովրդի զինաթափության հետ միաժամանակ պետք է երկրում կազմվի միլիցիայի ուժեղ կազմ և սահմանները լավ պաշտպանվեն զորքով արտաքին վտանգի դեմ:

Ձեռքը թաքցնողները պիտի ենթարկվեն 3 ամսվա բանտարկության կամ 3000ռ. տուգանքի, նայած միմիստրի հրամանի:

Այն հարցը, թե հնարավո՞ր է արդյոք կատարել զինաթափությունը, նա գտնում էր, որ պետք է դա անել մաս-մաս և գործի դնել կամք, հետևողականություն և անաչառություն:

Այն հանգամանքը, թե Կրաստանում դա դժվարության հանդիպեց, մեզ օրինակ չի կարող լինել, քանի որ մեզանում այնպիսի սոցիալական և քաղաքական պատճառներ չկան:

Թեև մեզնում կան շատերը, որոնք մի հրացանի համար վճարել են 1500-2000ռ., գուցե իրենց վերջին կոպեկը, սակայն դրանք միայն 10 տոկոս կարող են կազմել, այնինչ զենքերի մեծամասնությունը զողացված ու փախցված է: Այնպես որ այդ փոքրամասնության պատճառով չպետք է վարձատրության սխտեմ մտցնել և դեռ փող տալ նրանց, որոնք կատարել են այդ ավազակությունը:

Ինչ վերաբերում է այս խնդրի շտապողականության, դա անհրաժեշտ է ընդունել, քանի որ առանց նախապես զինաթափման, անհնար է որևէ կարգ ստեղծել այս երկրում:

Նիստը ընդհատվում է 15 րոպեով:

Նիստը վերսկսվում է *Արշ. Մելիքյանի* քննադատությամբ, որ պաշտպանում է այն տեսակետը թե՛

Ամեն քաղաքացի իրավունք ունի զենք ունենալ և պաշտպանել իր հեղափոխական իրավունքները:

Թե ժողովրդի զինումը ոչ թե հետևանք է պսիխոզի, այլ ունի իր խորին հիմունքները՝ զենք առնողը կապում է նրա հետ իր բախտը, զենքը նրա ընկերն է:

Թե մարդիկ չէին դիմի զենքի օգնությանը, եթե ստեղծված լիներ պետական զորեղ ապարատ, որ նրանց կարողանար պաշտպանել: Այնինչ այժմ ժողովուրդը թողնված է իր բախտին:

Թե նա զնված է նրանց վերջին կոպեկներով:

Իսկ եթե զենքով մարդիկ ո՞նիր են կատարում, դրա օրինակը նրանք առել են իրանցից ավելի մեծերից:

Նա առաջարկում է օրինագիծը չհամարել շտապողական և հանձնել մասնաժողովի մանրամասն քննության, իսկ եթե կքվեարկվի զինաթափման նախագիծը, ապա արգելել միայն փողոցում զենք կրելը, իսկ տանը ունենալը համարել անկապտելի իրավունք:

Գ. Ենգիբարյան առաջարկում է քվեարկել այդ հարցի շտապողականությունը:

Այս մասին ևս մի քանի թեր և դեմ կարծիքներից հետո՝ 16 ձայնով ընդդեմ 12-ի, անցնում է դաշնակցականների բանաձևը՝ հանձնելու զինաթափման նախագիծը օրենսդրական հանձնաժողովի քննության, որ պետք է 2 օրում իր եզրակացությունը հայտնի պառլամենտին:

Կարդացվում է թուրքերի ֆրակցիայի 3 անդամի գանգատը Մաշ. Յուսուֆ Բադերովի քարվանսարան ռեկվիզացիա անելու և փախստականներին այնտեղ տեղափոխելու մասին:

Մի քանի վիճաբանություններից հետո քվեարկվում և անցնում է սոց.-հեղափոխականների բանաձևը՝ հանձնարարել այդ խնդիրը հարցապնդումների կոմիտեի քննությանը:

Նիստի վերջում *Գ. Ազատյանը* բացատրություն է տալիս նախկին նիստում եղած նկատողության, թե նա մասնակցել է Երևանում կայացած հակահեղափոխական հողային կոմիտեային և բողոքում է իրան ուղղված այդ մեղադրանքի դեմ:

Նիստը փակվեց ժամը 11-ին:

«Ժողովուրդ», 29 օգոստոսի 1918թ.